

INSTRUKCIJA
O POSTUPKU OSTVARIVANJA CARINSKIH I POREZNIH
OSLOBAĐANJA U SKLADU SA OKVIRNIM SPORAZUMOM O
FINANSIJSKOM PARTNERSTVU IZMEĐU EVROPSKE KOMISIJE
I BOSNE I HERCEGOVINE O POSEBNIM ARANŽMANIMA ZA
PROVOĐENJE FINANSIJSKE POMOĆI UNIJE BOSNI I
HERCEGOVINI U OKVIRU INSTRUMENTA PRETPRISTUPNE
POMOĆI (IPA III)*

("Službeni glasnik BiH", broj 16/23)

GLAVA I - OPĆE ODREDBE

Član 1.

(Predmet)

Ovom instrukcijom propisuje se postupak ostvarivanja prava na oslobađanje od plaćanja uvozne carine, poreza na dodanu vrijednost (u daljnjem tekstu: PDV) i drugih indirektnih poreza pri uvozu robe, odnosno puštanju robe u slobodan promet u carinsko područje Bosne i Hercegovine i oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini, a u skladu sa članom 28. Okvirnog sporazuma o finansijskom partnerstvu između Evropske komisije i Bosne i Hercegovine o posebnim aranžmanima za provođenje finansijske pomoći Unije Bosni i Hercegovini u okviru Instrumenta pretpristupne pomoći (IPA III) ("Službeni glasnik BiH - Međunarodni ugovori", broj 7 /22) (u daljnjem tekstu: Okvirni sporazum IPA III), a u okviru aranžmana pružanja pomoći EU putem Instrumenta pretpristupne pomoći (IPA III) ili bilo kojeg drugog instrumenta Unije, uključujući Programe Unije.

Član 2.

(Definicije)

Pojmovi koji se koriste u ovoj instrukciji, shodno članu 28. stav (2) tač. (a) i (b) Okvirnog sporazuma IPA III imaju značenje i to:

a) "izvođač" označava fizičko i pravno lice koje izvršava ugovor Unije i uključuje izvođače usluge/robe/radova, korisnike granta (uključujući izvođače twinninga i korisnike podgranta), partnere u konzorciju ili zajedničkom poduhvatu ili sukorisnike ili povezane subjekte u grantovima, potprimaocima grantova, podizvođače, međunarodne organizacije i rezidentne twinning savjetnike prema ugovorima o twinningu, kao i izvođače u sklopu Instrumenta tehničke pomoći i razmjene informacija (TAIEX),

b) "ugovor" označava svaki ugovor, ugovor o grantu ili sporazum u direktnom ili indirektnom upravljanju putem kojeg se aktivnost finansira u okviru IPA III ili bilo kojeg drugog instrumenta Unije, uključujući podgrantove ili podugovore. Izraz "ugovor" obuhvata, također, pružanje pomoći u okviru TAIEX-a i učesće u Programima Unije.

Član 3.

(Ostvarivanje oslobađanja)

(1) Osim ako je drugačije predviđeno sektorskim sporazumom ili sporazumom o finansiranju, porezi, carine i naknade s jednakim učinkom nisu prihvatljivi troškovi u okviru instrumenta IPA III niti bilo kojeg drugog instrumenta Unije, uključujući Programe Unije. Ovo pravilo primjenjuje se i na sufinansiranje koje osigurava zemlja korisnica instrumenta IPA III, drugi subjekti za sufinansiranje, primaoci pomoći u okviru instrumenta IPA III ili bilo kojeg drugog finansiranja u okviru drugih instrumenata Unije, uključujući Programe Unije (član 28. Okvirnog sporazuma IPA III).

(2) Oslobađanje predviđeno članom 28. Okvirnog sporazuma IPA III ostvaruje se pri provođenju ugovora u

* Instrukcija je objavljena u "Službenom glasniku BiH", broj 16/23 od 10. marta 2023. godine, a stupila je na snagu 4. marta 2023. godine. Instrukcija je donijeta na osnovu člana 15. Zakona o Upravi za indirektno oporezivanje i člana 61. stav 2. Zakona o upravi, a radi provođenja carinskih i poreznih oslobađanja iz člana 28. Okvirnog sporazuma između Bosne i Hercegovine i Evropske komisije o aranžmanima za provođenje finansijske pomoći Unije Bosni i Hercegovini u okviru Instrumenta pretpristupne pomoći (IPA III).

okviru programa IPA III ili bilo kojeg drugog instrumenta Unije, uključujući Programe Unije, u skladu sa Okvirnim sporazumom IPA III. Oslobođanje se primjenjuje i na sufinansiranje iz stava (1) ovog člana.

GLAVA II - POSTUPAK OVJERE POTVRDE ZA OSLOBAĐANJE OD PLAĆANJA CARINE, PDV-a I DRUGIH INDIRECTNIH POREZA NA ROBU I USLUGE I SPECIFIKACIJE ROBE

Član 4.

(Postupak ovjere potvrde i specifikacije robe)

(1) Na osnovu ugovora u okviru IPA III ili bilo kojeg drugog instrumenta Unije uključujući Programe Unije, koji izvođač zaključuje sa Delegacijom Evropske unije u Bosni i Hercegovini (u daljnjem tekstu: DEU) ili sa Evropskom komisijom i njenim tijelima ili drugim tijelima EU, DEU izdaje popunjenu potvrdu za oslobađanje od plaćanja uvozne carine, PDV-a i drugih indirektnih poreza pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini, na obrascu iz Priloga 1. ove instrukcije (u daljnjem tekstu: Potvrda IPA III DEU), u tri istovjetna primjerka. Za uvoz robe koji se finansira iz IPA III ili bilo kojeg drugog instrumenta Unije, uključujući Programe Unije, izvođač, pored navedene potvrde, DEU podnosi:

a) specifikaciju robe koja se uvozi u tri primjerka, koja sadrži: naziv i broj ugovora, podatke o vrsti, količini, vrijednosti i tarifnoj oznaci robe koja se uvozi, naziv, potpis i pečat izvođača, naziv, potpis i pečat uvoznika (ako sam izvođač nije i uvoznik robe), naziv, potpis i pečat krajnjeg korisnika robe, ovjeru nadležnog ministarstva Bosne i Hercegovine, te prazan prostor za upis podataka o izdatoj Potvrdi IPA III DEU i ovjeru tog upisa. Za tačnost podataka navedenih u specifikaciji robe odgovoran je izvođač,

b) izjavu krajnjeg korisnika u vezi s robom koja se uvozi odnosno vrši nabavka dobara i usluga u Bosni i Hercegovini, na obrascu iz Priloga 3. ove instrukcije.

(2) DEU za jedan potpisani ugovor u okviru programa IPA III ili bilo kojeg drugog instrumenta Unije uključujući Programe Unije, izdaje jednu ili u posebnim slučajevima više Potvrda IPA III DEU, u tri primjerka, kojom potvrđuje da se ugovor realizuje iz IPA III ili drugog instrumenta Unije, uključujući Programe Unije. DEU, na sva tri primjerka te potvrde, unosi kontrolni broj i datum ovjere potvrde, te ih potpisuje i stavlja pečat DEU, nakon čega DEU zadržava jedan primjerak potvrde, a preostala dva primjerka vraća izvođaču. Kada je u pitanju uvoz robe, DEU na sva tri primjerka specifikacije robe iz uvoza upisuje kontrolni broj i datum izdate Potvrde IPA III DEU i ovjerava upis tih podataka, nakon čega sve primjerke specifikacije robe vraća izvođaču, a zadržava kopiju te specifikacije.

(3) Potvrdu za oslobađanje od plaćanja uvoznih dažbina, PDV-a i drugih indirektnih poreza pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru "programa teritorijalne suradnje" implementiranih u indirektnom i podijeljenom upravljanju (programi: Interreg VI-B Jadransko-jonski transnacionalni program 2021-2027, Interreg VI-B transnacionalni program za Dunavsku regiju 2021-2027, Interreg Euro - MED transnacionalni program 2021-2027, Interreg VI-A IPA Hrvatska-BiH-Crna Gora 2021-2027 i IPA CBC Srbija-BiH 2021-2027), izdaje i ovjerava Ministarstvo finansija i trezora Bosne i Hercegovine u skladu sa stavom (5) ovog člana.

(4) Izvođač iz Bosne i Hercegovine koji je sklopio ugovor o implementaciji projekta u okviru programa iz stava (3) ovog člana Ministarstvu finansija i trezora Bosne i Hercegovine podnosi popunjenu Potvrdu IPA III MFT na obrascu iz Priloga 2. ove instrukcije (u daljnjem tekstu: Potvrda IPA III MFT), u tri istovjetna primjerka. Za uvoz robe po ugovoru u okviru navedenog programa, izvođač pored potvrde, Ministarstvu finansija i trezora Bosne i Hercegovine podnosi:

a) specifikaciju robe koja se uvozi u tri primjerka, koja sadrži: naziv i broj ugovora, podatke o vrsti, količini, vrijednosti i tarifnoj oznaci robe koja se uvozi, naziv, potpis i pečat izvođača, naziv, potpis i pečat uvoznika (ako sam izvođač nije i uvoznik robe), naziv, potpis i pečat krajnjeg korisnika robe, ovjeru nadležnog ministarstva Bosne i Hercegovine, te prazan prostor za upis podataka o izdatoj Potvrdi IPA III MFT i ovjeru tog upisa. Za tačnost podataka navedenih u specifikaciji robe odgovoran je izvođač,

b) izjavu krajnjeg korisnika u vezi sa robom koja se uvozi odnosno vrši nabavka dobara i usluga u Bosni i Hercegovini, na obrascu iz Priloga 3. ove instrukcije.

(5) Ministarstvo finansija i trezora Bosne i Hercegovine za jedan potpisani ugovor u okviru IPA III programa iz stava (3) ovog člana izdaje jednu Potvrdu IPA III MFT, u tri primjerka, kojom potvrđuje da se ugovor realizuje iz jednog od programa iz stava (3) ovog člana. Na osnovu provjere iz ugovorne dokumentacije, Ministarstvo finansija i trezora Bosne i Hercegovine, na sva tri primjerka te potvrde, unosi kontrolni broj i datum ovjere, te ih potpisuje i ovjerava, nakon čega Ministarstvo zadržava jedan primjerak potvrde, a preostala dva primjerka ovjere potvrde vraća izvođaču. Kada je u pitanju uvoz robe, Ministarstvo finansija i trezora Bosne i Hercegovine na sva tri primjerka specifikacije robe iz uvoza upisuje kontrolni broj i datum izdate Potvrde IPA III MFT i ovjerava upis tih podataka, nakon čega sve primjerke specifikacije robe vraća izvođaču, a zadržava kopiju te specifikacije. Ako nakon izdavanja Potvrde IPA III MFT dođe do bilo kakvih izmjena u realizaciji ugovora, izvođač podnosi Ministarstvu finansija i trezora Bosne i Hercegovine zahtjev za izmjenu Potvrde IPA III MFT uz obra-

zloženje, nakon čega to Ministarstvo izdaje dopunsku potvrdu pod istim kontrolnim brojem (sa naznakom da se radi o dopunskoj potvrdi), a koja se smatra sastavnim dijelom prvobitno izdate Potvrde IPA III MFT.

(6) Specifikaciju robe koja se uvozi po ugovoru u okviru programa IPA III ili bilo kojeg drugog instrumenta Unije uključujući Programe Unije, u skladu sa Okvirnim sporazumom IPA III, koja mora sadržavati podatke navedene u stavu (1) tačka a) ili stavu (4) tačka a) ovog člana, ovjerava ministarstvo kojem kao resornom ministarstvu pripada krajnji korisnik robe ili ministarstvo koje je, kao resorno ministarstvo, nadležno po bilo kom pitanju za područje ili oblast na koju se odnosi ugovor u okviru programa IPA III ili bilo kojeg drugog instrumenta Unije uključujući Programe Unije po osnovu kojeg se vrši uvoz robe. U slučaju gdje nema resornog ministarstva, ovjeru specifikacije robe vrši Ministarstvo vanjske trgovine i ekonomskih odnosa Bosne i Hercegovine. Uz specifikaciju robe podnosi se i izjava krajnjeg korisnika u vezi s robom koja se uvozi, na obrascu iz Priloga 3. ove instrukcije. Ministarstvo koje ovjeri specifikaciju robe dužno je o tome voditi službenu evidenciju.

(7) U svrhe predviđene ovim članom, mogu se, prema potrebi, zatražiti i druga odgovarajuća dokumenta.

Član 5.

(Evidencija i izvještaj)

(1) DEU i Ministarstvo finansija i trezora Bosne i Hercegovine vode službenu evidenciju o izdatim Potvrdama IPA III DEU, odnosno Potvrdama IPA III MFT, iz člana 4. st. (2) i (5) ove instrukcije.

(2) DEU i Ministarstvo finansija i trezora Bosne i Hercegovine, do 20-tog u mjesecu za prethodni mjesec, Grupi za povrat indirektnih poreza po osnovu međunarodnih ugovora u Odsjeku za poreze Regionalnog centra Sarajevo Uprave za indirektno oporezivanje dostavljaju mjesečne izvještaje o izdatim Potvrdama IPA III DEU i Potvrdama IPA III MFT iz člana 4. st. (2) i (5) ove instrukcije koje se odnose na uvoz dobara, odnosno na nabavku dobara i usluga u Bosni i Hercegovini. Mjesečni izvještaj sadrži sljedeće informacije:

- a) kontrolni broj Potvrde IPA III DEU ili Potvrde IPA III MFT,
- b) naziv, broj, datum i vrijednost potpisanog ugovora iz člana 4. stav (1) ili stav (4) ove instrukcije,
- c) naziv izvođača, njegova adresa i identifikacioni broj obveznika indirektnih poreza. U nedostatku tog broja, navodi se broj registracije kod porezne uprave entiteta ili Brčko Distrikta Bosne i Hercegovine,
- d) naziv predstavnika stranog izvođača i njegov identifikacioni broj obveznika indirektnih poreza,
- e) ukupnu vrijednost dobara ili usluga, bez PDV-a,
- f) ukupnu vrijednost robe iz uvoza, bez indirektnih poreza.

GLAVA III - OSLOBAĐANJE OD PLAĆANJA CARINE I DRUGIH INDIREKTNIH POREZA NA ROBU KOJA SE UVOZI

Član 6.

(Oslobađanje od plaćanja carine i drugih indirektnih poreza na robu koja se uvozi)

(1) Roba koja se u okviru programa IPA III ili bilo kojeg drugog instrumenta Unije, uključujući Programe Unije, uvozi i pušta u slobodan promet u carinsko područje Bosne i Hercegovine, oslobođena je od plaćanja carine i drugih indirektnih poreza prema članu 28. stav (1) i stav (2) tačka (c) Okvirnog sporazuma IPA III. Izvođač je korisnik oslobađanja.

(2) Lične stvari i stvari za domaćinstvo koje za ličnu upotrebu uvoze fizička osobe (i članovi njihovih užih porodica), osim onih koji su angažirani lokalno, koje obavljaju zadatke definirane u ugovorima o uslugama ili radovima ili grantovima ili ugovorima ili sporazumima o twinningu, izuzeti su od plaćanja carina ili uvoznih taksa, PDV-a i drugih indirektnih poreza prema članu 28. stav (2) tačka (j) Okvirnog sporazuma IPA III, s tim što se navedene lične stvari i predmeti za domaćinstvo ponovo izvoze ili prodaju u Bosni i Hercegovini, u skladu sa propisima koji su na snazi u Bosni i Hercegovini nakon isteka ugovora.

(3) Oslobađanje navedeno u st. (1) i (2) ovog člana ostvaruje se kod carinske ispostave na području Bosne i Hercegovine kojoj je predočena roba koja je predmet oslobađanja, kod koje ispostave se podnose sljedeća dokumenta:

- a) za oslobađanje iz stava (1) ovog člana:

- 1) carinska deklaracija (JCI) za puštanje predmetne robe u slobodan promet (šifra postupka - prve dvije cifre "42" u prvoj podjeli polja 37), koja se smatra i zahtjevom za oslobađanje, popunjena u skladu sa pravilima o popunjavanju carinske deklaracije, te uz upisivanje u drugoj podjeli polja 37 carinske deklaracije šifre "217" (šifra za oslobađanje od plaćanja indirektnih poreza u okviru IPA III ili bilo kojeg drugog instrumenta Unije, uključujući Programe Unije, prema članu 28. stav (2) tačka (c) Okvirnog sporazuma IPA III, po Potvrdi IPA III DEU) ili šifre "218" (šifra za oslobađanje od plaćanja indirektnih poreza u okviru IPA III prema članu 28. stav (2) tačka (c) Okvirnog sporazuma IPA III, po Potvrdi IPA III MFT), ovisno od slučaja,

- 2) Potvrda IPA III DEU ili Potvrda IPA III MFT, ovisno od slučaja, izdata u skladu sa članom 4. ove instrukcije. Kontrolni broj i datum navedene potvrde upisuju se u polje 44 carinske deklaracije i to uz šifru dokumenta "IPAU" ili "IPAT", ovisno koja potvrda je u pitanju,

3) specifikacija robe iz uvoza, na koju se odnosi potvrda iz alineje 2) ove tačke, a koja sadrži podatke i ovjeru navedenu u članu 4. stav (2) ili stav (5) ove instrukcije, ovisno od slučaja. Specifikacija robe podnosi se u dva originalna primjerka, od kojih jedan primjerak carinska ispostava, nakon ovjere (uz označenje MRN broja i datuma predmetne carinske deklaracije), vraća korisniku oslobađanja, a drugi zadržava uz carinsku deklaraciju,

b) za oslobađanje iz stava (2) ovog člana:

1) carinska deklaracija za puštanje predmetne robe u slobodan promet (šifra postupka - prve dvije cifre "42" u prvoj podjeli polja 37), koja se smatra i zahtjevom za oslobađanje, popunjena u skladu sa pravilima o popunjavanju carinske deklaracije, te uz upisivanje u drugoj podjeli polja 37 carinske deklaracije šifre "219" (šifra za oslobađanje od plaćanja indirektnih poreza u okviru IPA III ili bilo kojeg drugog instrumenta Unije, uključujući Programe Unije, prema članu 28. stav (2) tačka (j) Okvirnog sporazuma IPA III),

2) potvrdu izdatu od DEU, a kojom se potvrđuje da je korisnik navedenog oslobađanja angažiran za obavljanje zadataka u okviru IPA III ili bilo kojeg drugog instrumenta Unije, uključujući Programe Unije, definiranih ugovorom ili sporazumom iz člana 28. stav (2) tačka (j) Okvirnog sporazuma IPA III. Kontrolni broj i datum navedene potvrde upisuje se u polje 44 carinske deklaracije i to uz šifru dokumenta "IPA3",

3) spisak robe koja se uvozi, potpisan od strane korisnika oslobađanja, u dva primjerka, od kojih jedan primjerak carinska ispostava, nakon ovjere (uz označenje MRN broja i datuma predmetne carinske deklaracije), vraća korisniku oslobađanja, a drugi zadržava uz carinsku deklaraciju.

(4) Ako se uvoz robe po osnovu oslobađanja iz st. (1) i (2) ovog člana ne vrši odjednom, nego sukcesivno, za istu se, kod svakog pojedinačnog uvoza, carinska deklaracija iz stava (3) ovog člana podnosi kod iste carinske ispostave kod koje je prvobitno započet postupak uvoza i oslobađanja. Ta carinska ispostava prati uvoz robe putem sukcesivnog otpisa vrste, količine i vrijednosti robe koja se uvozi po svakoj carinskoj deklaraciji, uz označenje MRN broja i datuma predmetne carinske deklaracije, na podnijetoj specifikaciji robe iz uvoza i na potvrdi iz stava (3) tačka a) alineja 2) ovog člana, odnosno na spisku robe iz stava (3) tačka b) alineja 3) ovog člana.

(5) Odluku o oslobađanju od plaćanja uvoznih dažbina, PDV-a i drugih indirektnih poreza po prihvaćenju carinskoj deklaraciji iz stava (3) ovog člana, carinska ispostava donosi u vidu zabilješke u polju C deklaracije: "Oslobođeno po čl. 28. stav (2) tačka (c) Okvirnog sporazuma IPA III, ili "Oslobođeno po čl. 28. stav (2) tačka (j) Okvirnog sporazuma IPA III", ako podnijeta carinska deklaracija i uz nju priložena dokumenta sadrže sve potrebne podatke i zahtjev korisnika oslobađanja se u cjelosti usvaja. Navedenu zabilješku carinska ispostava unosi i u inspeksijski akt predmetne carinske deklaracije.

GLAVA IV - OSLOBAĐANJE OD PDV-a I DRUGIH INDIREKTNIH POREZA PRI NABAVCI DOBARA I USLUGA U BOSNI I HERCEGOVINI

Član 7.

(Oslobađanje od plaćanja PDV-a)

(1) U skladu sa članom 28. st. (1) i (2) tač. (d) i (e) Okvirnog sporazuma IPA III, isporuka dobara i usluga u Bosni i Hercegovini po ugovoru u okviru programa IPA III ili bilo kojeg drugog instrumenta Unije, uključujući Programe Unije oslobođena je od plaćanja PDV-a.

(2) Pravo na oslobađanje od plaćanja PDV-a, lice koje plaća isporuku dobara ili usluga sredstvima iz IPA III ili bilo kojeg drugog instrumenta Unije, uključujući Programe Unije, ostvaruje na sljedeći način:

a) u ugovorima o grantu, izvođač koji je na osnovu ugovora o grantu sa DEU, sa Evropskom komisijom i njenim tijelima ili drugim tijelima EU dobio sredstva iz IPA III ili bilo kojeg drugog instrumenta Unije, uključujući Programe Unije, ostvaruje oslobađanje od plaćanja PDV-a na osnovu potpisane i ovjerene Potvrde IPA III DEU. Izvođač mora biti naveden kao krajnji korisnik dobara ili usluga u tački IV ili tački V Potvrde IPA III DEU, uz navođenje iznosa na koji izvođač ima pravo na oslobađanje,

b) u slučaju da se sredstva iz IPA III ili bilo kojeg drugog instrumenta Unije, uključujući Programe Unije, distribuiraju putem finansijskih institucija, međunarodnih organizacija i drugih organizacija koji su donatori u projektima pomoći Bosni i Hercegovini, na osnovu ugovora sa DEU, sa Evropskom komisijom i njenim tijelima ili drugim tijelima EU, pravo na oslobađanje ostvaruje krajnji korisnik sredstava iz IPA III u Bosni i Hercegovini, kojem finansijska institucija, međunarodna organizacija i druga organizacija dostavlja i Potvrdu IPA III DEU i donirani iznos sredstava iz IPA III. Podaci o krajnjem korisniku kao licu koje ima pravo na oslobađanje navode se u tački IV ili tački V Potvrde IPA III DEU, uz navođenje iznosa na koji ima pravo na oslobađanje,

c) u slučaju kada DEU zaključi ugovor o nabavci dobara i/ili usluga sa izvođačem iz Bosne i Hercegovine ili stranim izvođačem, pravo na oslobađanje od plaćanja PDV-a ostvaruje DEU, koja mora biti naznačena kao krajnji korisnik usluga u tački V Potvrde IPA III DEU. Potvrdu IPA III DEU izvođač koristi samo za potrebe ispostavljanja svoje fakture prema DEU bez obračuna PDV, uz navođenje propisane klauzule o oslobađanju. Potvrdu IPA III DEU izvođač ne može davati poreznim obveznicima koji njemu isporučuju dobra ili usluge koji u ovom slučaju izvođaču ispostavljaju fakture sa obračunatim PDV-om,

d) u slučaju kada sredstava u okviru Investicionog okvira za Zapadni Balkan (WBIF), u ime Evropske ko-

misije ugovara međunarodna ili druga finansijska institucija uključena u WBIF, ili kada ih po sporazumu sa međunarodnom finansijskom institucijom uključenom u WBIF, ili supsidijarnom sporazumu u vezi sa istim grantom EU koji se provodi kroz WBIF, ugovara institucija ili javno preduzeće iz Bosne i Hercegovine, iste imaju pravo na oslobađanje i navode se u tački IV i/ili V Potvrde IPA III DEU, ovisno od konkretnog slučaja,

e) ukoliko je izvođač - isporučilac usluga iz tač. c) i d) ovog člana strano lice, koji nema sjedište u Bosni i Hercegovini, isti je dužan da se registriira putem poreznog punomoćnika koji ima sjedište u Bosni i Hercegovini, u skladu sa članom 60. Zakona o porezu na dodanu vrijednost ("Službeni glasnik BiH", br. 9/05, 35/05, 100/08 i 33/17).

(3) Oslobađanje od plaćanja PDV-a navedeno u stavu (1) ovog člana ostvaruje se:

a) u slučaju isporuke po ugovoru koji je u okviru programa IPA III ili bilo kojeg drugog instrumenta Unije, uključujući Programe Unije, zaključen sa DEU - na osnovu Potvrde IPA III DEU iz člana 4. stav (2) ove instrukcije,

b) u slučaju isporuke po ugovoru u okviru programa IPA III koji se realizuje u okviru "programa teritorijalne suradnje" i implementira u indirektnom ili podijeljenom upravljanju - na osnovu Potvrde IPA III MFT iz člana 4. stav (5) ove instrukcije,

c) u slučaju davanja sredstava iz IPA III ili bilo kojeg drugog instrumenta Unije, uključujući Programe Unije, na osnovu ugovora o podgrantovima iz člana 28. stav (2) tač. (a) i (b) Okvirnog sporazuma IPA III, oslobađanje od plaćanja PDV-a ostvaruje se nakon ovjere podataka iz tačke III Potvrde IPA III DEU od strane DEU, odnosno ovjere podataka iz tačke IV Potvrde IPA III MFT od strane Ministarstva finansija i trezora Bosne i Hercegovine.

Član 8.

(Izdavanje fakture)

(1) Registrirani porezni obveznik - isporučilac dobara i usluga iz člana 7. ove instrukcije izdaje fakturu krajnjem korisniku dobara ili usluga navedenom u tački V Potvrde IPA III DEU bez obračuna PDV-a. Faktura mora obavezno sadržavati i klauzulu: "Oslobodeno od plaćanja PDV-a u skladu sa članom 29. stav 2. Zakona o porezu na dodanu vrijednost - Potvrda IPA III DEU (navesti kontrolni broj i datum potvrde) ili Potvrda IPA III MTF (navesti kontrolni broj i datum potvrde)", ovisno koja potvrda je u pitanju.

(2) U svrhu iz stava (1) ovog člana, krajnji korisnik dobara ili usluga koji se oslobađa od plaćanja PDV-a obavezan je isporučiocu dobara i usluga predati kopiju odgovarajuće potvrde iz člana 7. stav (3) ove instrukcije.

GLAVA V - POVRAT PDV-a, AKCIZE I CESTARINE

Član 9.

(Povrat plaćenog PDV-a)

Ukoliko izvođač iz objektivnih razloga ne iskoristi mogućnost da ostvari oslobađanje od plaćanja PDV-a u skladu sa odredbama ove instrukcije, ima pravo na povrat plaćenog PDV-a u skladu sa članom 28. stav (2) tačka (e) podtačke II Okvirnog sporazuma IPA III, u postupku propisanom čl. 54. do 58. Pravilnika o primjeni Zakona o porezu na dodanu vrijednost ("Službeni glasnik BiH", br. 93/05, 21/06, 60/06, 6/07, 100/07, 35/08 i 65/10, 85/17, 44/20 i 47/22) i Instrukcijom o uvjetima i načinu povrata PDV-a u skladu sa članom 29. stav 1. tačka 4. Zakona o porezu na dodanu vrijednost broj: 02-1526/06 od 08.03.2006. godine i 17-4105-2/07 od 24.12.2007. godine.

Član 10.

(Povrat plaćene akcize i cestarine)

(1) U skladu sa članom 28. stav (1) Okvirnog sporazuma IPA III, isporuka dobara i usluga u Bosni i Hercegovini po ugovoru u okviru programa IPA III ili bilo kojeg drugog instrumenta Unije, uključujući Programe Unije, oslobođena je od plaćanja indirektnih poreza.

(2) U slučaju isporuke naftnih derivata izvođaču koji je primio sredstva iz IPA III ili bilo kojeg drugog instrumenta Unije, uključujući Programe Unije, pravo na povrat akcize i cestarine plaćene na naftne derivate u okviru implementacije Okvirnog sporazuma IPA III može ostvariti registrirani porezni obveznik po osnovu akcize.

(3) Registrirani porezni obveznik - isporučilac naftnih derivata iz stava (2) ovog člana izdaje fakturu na kojoj iskazuje iznos akcize i cestarine koji se oslobađa. Faktura obavezno mora sadržavati i klauzulu: "Oslobodeno od plaćanja akcize i cestarine u skladu sa članom 28. stav (1) Okvirnog sporazuma IPA III, po Potvrdi IPA III DEU (navesti kontrolni broj i datum potvrde) ili Potvrdi IPA III MTF (navesti kontrolni broj i datum potvrde)", ovisno koja potvrda je u pitanju.

(4) Zahtjev za povrat akcize i cestarine podnosi se na obrascu ZPA IPA III iz Priloga 4. ove instrukcije. Uz zahtjev prilaže se faktura na kojoj je naznačeno da akciza i cestarina nije naplaćena od kupca - izvođača, dokaz o plaćanju akcize i cestarine i kopiju Potvrde IPA III DEU ili Potvrde IPA III MFT, ovisno koja potvrda je u pitanju.

(5) Zahtjev za povrat podnosi se Grupi za povrat indirektnih poreza po osnovu međunarodnih ugovora u Odsjeku za poreze Regionalnog centra Sarajevo Uprave za indirektno oporezivanje.

GLAVA VI - PRIJELAZNE I ZAVRŠNE ODREDBE

Član 11.

(Primjenljivost instrukcije u vezi s Okvirnim sporazumom za IPA i Okvirnim sporazumom za IPA II)

Dok su važeći relevantni Okvirni sporazumi navedeni u članu 88. Okvirnog sporazuma IPA III na njih se primjenjuje:

a) Instrukcija o postupku ostvarivanja carinskih i poreznih oslobođenja u skladu sa Okvirnim sporazumom između Bosne i Hercegovine i Komisije Evropskih zajednica o pravilima suradnje koja se odnosi na finansijsku pomoć Bosni i Hercegovini u okviru pružanja pomoći putem instrumenta pretprijetne pomoći (IPA) ("Službeni glasnik BiH", broj 74/11) i

b) Instrukcija o postupku ostvarivanja carinskih i poreznih oslobođenja u skladu sa Okvirnim sporazumom između Bosne i Hercegovine i Evropske komisije o aranžmanima za provođenje finansijske pomoći Unije Bosni i Hercegovini u okviru Instrumenta pretprijetne pomoći (IPA II) ("Službeni glasnik BiH", broj 91/15).

Član 12.

(Primjena definicija i izraza iz Okvirnog sporazuma IPA III)

U slučaju jezičkih nedosljednosti u definicijama i izrazima korištenim u ovoj instrukciji u odnosu na Okvirni sporazum IPA III, primjenjuju se definicije i izrazi iz osnovnog Okvirnog sporazuma IPA III zaključenog na engleskom jeziku.

Član 13.

(Sastavni dio Instrukcije)

Sastavni dio ove instrukcije čine:

a) Prilog 1. obrazac Potvrde za oslobođenje od plaćanja uvozne carine, PDV-a i drugih indirektnih poreza pri uvozu robe i za oslobođenje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru programa IPA III ili bilo kojeg drugog instrumenta Unije, uključujući Programe Unije, u skladu sa Okvirnim sporazumom IPA III (Potvrda IPA III DEU), iz člana 4. stav (2),

b) Prilog 2. obrazac Potvrde za oslobođenje od plaćanja uvozne carine, PDV-a i drugih indirektnih poreza pri uvozu robe i za oslobođenje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru programa koji se finansira iz IPA III a realizuje u okviru "programa teritorijalne suradnje" i implementira u indirektnom ili podijeljenom upravljanju (Potvrda IPA III MFT), iz člana 4. stav (5),

c) Prilog 3. obrazac Izjave krajnjeg korisnika u vezi s robom koja se uvozi odnosno vrši nabavka dobara i usluga u Bosni i Hercegovini, iz člana 4. stav (1) tačka b) ili stav (4) tačka b) ili stav (6),

d) Prilog 4. obrazac zahtjeva za povrat akcize i cestarine plaćene u okviru programa IPA III ili bilo kojeg drugog instrumenta Unije, uključujući Programe Unije, iz člana 10. stav (4) ove instrukcije.

Član 14.

(Stupanje na snagu)

Ova instrukcija stupa na snagu narednog dana od dana donošenja i objavljuje se u "Službenom glasniku BiH".

Prilog 1.

Potvrda IPA III DEU

POTVRDA ZA OSLOBAĐANJE OD PLAĆANJA UVOZNE CARINE, PDV-a PRI UVOZU ROBE
I ZA OSLOBAĐANJE OD PLAĆANJA PDV-a I DRUGIH INDIRECTNIH POREZA PRI NABAVCI DOBARA I USLUGA
U BOSNI I HERCEGOVINI U OKVIRU PROGRAMA IPA III ILI PROGRAMA BILO KOJEG DRUGOG INSTRUMENTA UNIJE
UKLJUČUJUĆI PROGRAME UNIJE, U SKLADU SA OKVIRNIM SPORAZUMOM IPA III
(“Službeni glasnik BiH - Međunarodni ugovori”, broj 7 /22)

Kontrolni broj: _____

I PROGRAM/INSTRUMENT EU
Naziv programa/instrumenta

II Ugovor potpisan između Evropske unije i izvođača*

Naziv ugovora:
Broj i datum zaključenja
Ukupna vrijednost ugovora:
Mjesto izvođenja:

a.) Izvršilac ugovora/domaći izvođač

Adresa:
Sjedište:
Identifikacioni broj:

b.) Izvršilac ugovora/strani izvođač

Adresa:
Predstavnik u BiH:
Identifikacioni broj:

III Podaci o ugovoru o podgrantu između izvođača i podizvođača

Naziv podizvođača:
Adresa podizvođača:
Sjedište podizvođača:
Identifikacioni broj obveznika indirektnih poreza (ukoliko ga ima):
Vrijednost ugovora:
Krajnji korisnik dobara i usluga koji ima pravo na oslobađanje:

Ovjera Delegacije Evropske unije u Bosni i Hercegovini
Odgovorna osoba: _____ Potpis i pečat: _____

IV Uvoz robe*

Krajnji korisnik robe:
Vrijednost robe koja se uvozi:
Uvoznik robe:
Broj listova i stavki specifikacije robe:

V Nabavka dobara i usluga u Bosni i Hercegovini**

Izvođač-Krajnji korisnik dobara i usluga koji ima pravo na oslobađanje:
Ukupna vrijednost dobara i usluga bez PDV-a:

Ovjera Delegacije Evropske unije u Bosni i Hercegovini

Sarajevo, datum: _____

Odgovorna osoba: _____

Potpis i pečat: _____

*Sektor III pri uvozu robe u Bosni i Hercegovinu
**Pri nabavci dobara i usluga u Bosni i Hercegovini

**POTVRDA ZA OSLOBAĐANJE OD PLAĆANJA CARINE, PDV-a PRI UVOZU ROBE
I ZA OSLOBAĐANJE OD PLAĆANJA PDV-a I DRUGIH INDIRECTNIH POREZA
PRI NABAVCI DOBARA I USLUGA U BOSNI I HERCEGOVINI U OKVIRU
EU PROGRAMA TERITORIJALNE SURADNJE U SKLADU SA OKVIRNIM SPORAZUMOM IPA III
(“Službeni glasnik BiH - Međunarodni ugovori”, broj 7/22)**

Kontrolni broj: _____

I Podaci o EU programu teritorijalne suradnje

Naziv programa: _____

II Podaci o ugovoru izvođača/izvođača iz Bosne i Hercegovine

Izvođač iz Bosne i Hercegovine:

Naziv projekta/ugovora: _____

Akronim projekta: _____

Broj ugovora: _____

Datum zaključivanja: _____

Ukupna vrijednost ugovora: _____

Mjesto izvođenja: _____

III Izvršilac ugovora/domaći izvođač

Naziv: _____

Adresa: _____

Sjedište: _____

Identifikacioni broj obveznika indirektnih poreza*:

Odgovorna osoba: _____

IV Podaci o ugovoru o podgrantu između izvođača iz Bosne i Hercegovine i podizvođača

Naziv podizvođača: _____

Ovjera Ministarstva finansija i trezora Bosne i Hercegovine

Adresa podizvođača: _____

Odgovorna osoba: _____

Potpis i pečat: _____

Sjedište podizvođača: _____

Ministar

Identifikacioni broj: _____

Vrijednost podugovora: _____

V Nabavka dobara i usluga u Bosni i Hercegovini**

Krajnji korisnik dobara i usluga: _____

Ukupna vrijednost dobara i usluga bez PDV-a: _____

VI Uvoz robe***

Krajnji korisnik robe: _____

Vrijednost robe koja se uvozi: _____

Uvoznik robe: _____

Broj listova i stavki specifikacije robe: _____

Ovjera Ministarstva finansija i trezora Bosne i Hercegovine

Sarajevo, datum: _____

Odgovorna osoba: _____

Potpis i pečat: _____

Ministar

* Navodi se ID, broj dodijeljen od Uprave za indirektno oporezivanje iz Jedinственог регистра obveznika indirektnih poreza. U nedostatku tog broja, navodi se broj registracije kod porezne uprave entiteta ili Eričko Distrikta BiH, BiH

** Pri nabavci dobara i usluga u Bosni i Hercegovini

*** Pri uvozu robe u Bosni i Hercegovini

PODACI O KRAJNJEM KORISNIKU

Puni naziv/puno ime:
Adresa:
ID broj⁽¹⁾:

IZJAVA

Ovom izjavom, kao krajnji korisnik robe, pod punom krivičnom i materijalnom odgovornošću, izjavljujem da su podaci navedeni u Potvrdi IPA III DEU/Potvrdi IPA III MFT/Specifikaciji robe⁽²⁾ koju dostavljam na ovjeru, a koji se odnose na ugovor broj: (upisati broj ugovora), u vrijednosti od⁽³⁾, kojim se implementira program (upisati naziv programa), tačni/istiniti.

Ovu izjavu dajem u navedenu svrhu i u druge svrhe ne može se koristiti.

U
Broj i datum:

M.P.
(puno ime i potpis ovlaštene osobe)

⁽¹⁾ Navodi se I.D. broj dodijeljen od Uprave za indirektno oporezivanje iz Jedinstvenog registra obveznika indirektnih poreza. U nedostatku tog broja, navodi se broj registracije kod porezne uprave entiteta ili Brčko Distrikta BiH.
⁽²⁾ Nepotrebno precrtati.
⁽³⁾ Ukupna vrijednost ugovora upisuje se samo u slučaju ovjere Specifikacije robe.

ZAHTJEV ZA POVRAT AKCIZE I CESTARINE

plaćene u okviru implementacije Okvirnog sporazuma o finansijskom partnerstvu između Evropske komisije i Bosne i Hercegovine o posebnim aranžmanima za provođenje finansijske pomoći Unije Bosni i Hercegovini u okviru Instrumenta pretpristupne pomoći (IPA III) ("Službeni glasnik BiH - Međunarodni ugovori", broj 7/22), za mjesec 202..... godine.

I - Ugovor potpisan između Delegacije Evropske unije u Bosni i Hercegovini i izvođača:

.....

Naziv projekta:

Broj i datum zaključivanja:

Ukupna vrijednost ugovora:

Kontrolni broj i datum Potvrde IPA III DEU:

Kontrolni broj i datum Potvrde IPA III MFT:

II - Porezni obveznik isporučilac dobara:

Naziv:

Adresa:

Identifikacioni broj:

Banka i broj računa:

III - SPECIFIKACIJA FAKTURA:

Red. broj	Broj fakture	Datum fakture	Oslobodeni iznos akcize	Oslobodeni iznos cestarine

U
Broj i datum:

M.P.
(puno ime i potpis ovlaštene osobe)